



Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO
Općinski načelnik

Na osnovu člana 6. Odluke o dodjeli sredstava za sufinansiranje troškova vanrednog školovanja, prekvalifikacije i dokvalifikacije nezaposlenih osoba („Službene novine Kantona Sarajevo“, broj: 10/20 i 16/22), Odluke o izmjenama i dopunama odluke o dodjeli sredstava za sufinansiranje troškova vanrednog školovanja, prekvalifikacije i dokvalifikacije nezaposlenih osoba broj: 13-11-2041/24 od 19.3.2024. godine, Općinski načelnik upućuje

JAVNI POZIV

za dodjelu sredstava sufinansiranja troškova vanrednog školovanja, prekvalifikacije i dokvalifikacije nezaposlenih osoba

- 1. PRAVO NA DODJELU SREDSTAVA** mogu ostvariti osobe od navršenih 18 do 55 godina starosti koje ispunjavaju slijedeće uslove:
- da imaju prebivalište na području općine Centar Sarajevo;
 - da se nalaze na evidenciji JU „Služba za zapošljavanje Kantona Sarajevo“ najmanje 3 mjeseca,
 - da nemaju nikakvih novčanih primanja.

Vanredno školovanje, prekvalifikacija i dokvalifikacija može se vršiti u obrazovnim ustanovama za obrazovanje odraslih, upisane u Registar kod kantonalnog ministarstva nadležnog za oblast obrazovanja, a koje rade po odobrenom programu formalnog obrazovanja odraslih za sticanje srednjeg obrazovanje.

2. NAČIN DODJELE NOVČANIH SREDSTAVA

Sredstva za sufinansiranje troškova školovanja dodjeljivat će se na osnovu podnesenih zahtjeva, a visina odobrenih sredstava po jednoj osobi ne može biti veća od 2.500 KM (bruto iznos).

Ukoliko su troškovi školovanja manji od navedenog iznosa, Općina će finansirati troškove u potpunosti.

Pravo na dodjelu sredstava ne mogu ostvariti osobe koje su za tu namjenu dobile finansijsku podršku drugih institucija, ustanova i sl, kao i osobe koje su već ostvarile pravo na sufinansiranje troškova u punom iznosu neće moći ponovo ostvariti podršku.

Dodijeljena sredstva se mogu iskoristiti za sticanje samo jednog zvanja.

Sredstvima planiranim za ovu namjenu neće se finansirati obuka za strane jezike, informatiku i vozački ispit.

3. POTREBNA DOKUMENTACIJA

Podnosioci zahtjeva obavezni su uz prijavu dostaviti slijedeće dokumente (original ili ovjerene kopije):

- CIPS prijavu o mjestu prebivališta podnosioca zahtjeva (ne starija od 6 mjeseci);
- Uvjerenje/potvrdu o upisu u obrazovnu ustanovu;
- Predračun/potvrdu obrazovne ustanove o visini troškova školovanja, prekvalifikacije/dokvalifikacije
- Potvrdu da se podnosilac zahtjeva nalazi na evidenciji za nezaposlene,
- Izjavu da podnosilac nije za ovu namjenu ostvario finansijsku podršku drugih institucija, ustanova i sl.

- f) Uvjerenje porezne uprave da podnosilac zahtjeva nema dodatnih primanja po osnovu obavljanja samostalne djelatnosti ličnim radom i po osnovu izdavanja u zakup stambenih jedinica i poslovnih prostora.

U slučaju većeg broja zahtjeva u odnosu na raspoloživa sredstva za ovu namjenu, prednost u ostvarivanju podrške će imati maloljetni borci, demobilisani borci, ratni vojni invalidi, djeca šehida i poginulih boraca, ratnih vojnih invalida, demobilisanih i maloljetnih boraca, te pripadnici nacionalnih manjina.

Zahtjev sa dokumentacijom podnosi se službi nadležnoj za obrazovanje Općine Centar Sarajevo elektronskim putem, preporučeno putem pošte ili putem protokol Općine Centar Sarajevo ulica Mis Irbina 1. Dostavljeni zahtjevi rješavat će se po vremenu prispjeća.

Za sve dodatne informacije zainteresovana lica mogu pozvati broj telefona 033/562-474 ili 562-393.

Javni poziv će biti otvoren tokom cijele 2024. godine, odnosno do utroška sredstava za ovu namjenu.